

اسلام مجبوری

مدیری: حلیم ثابت

صافی ۴

۲۸ ربیع الآخر ۱۳۳۲

۱۳ مارٹ ۱۳۳۰

پیل ۱

نسوانك ده تطیقات طیه ، تداوی ایله اشتغال ایتدکاری کوریلیر . بوحال ایسه ،
ممنوعیت دکل ، جوازینہ دلالت ایدر . چونکہ اسلاف ، بالخاصہ صحابیات
جائز اولیان برایش ایله مشغول اولمادقلری کی ، فخرکائنات اقدمت ، اصحاب
کرام حضراتی ده بوکامساعده ایتلردی .

عصر سعادتده ، عصر اصحابده بعض قادینلرک کندی آرزولریله غزولبره
اشتراک ایتدکاری اولوردی . امام بخارینک خالد بن ذکوان واسطه سیله روایت
ایتدینکی بر حدیث شریفده ربیع بنت معوذ (ر . ع) اثنای غزاده کندیلرینک ده
معیت نبویه ده بولندقلرینی سویله یور و دیورکه : « بزقومه (مجاهدلره) صو
ویریور وانلره خدمت ایدیوردق ، یارالانلری تداوی ، ثوله نلری ، مدینه یه
کوتوریوردق . » امام بخاری حضرتلری ده بوحدیث شریف ایله « باب مداواة
النساء الجرحی فی الغزو » [۱] دیهرک اثنای غزاده قادینلرک مداوات ایله اشتغاللرینک
جوازینی استدلال ایتک ایسته یور؛ دیگر بریرنده ده [۲] عینی حدیث شریف ایله
ارککلرک قادینلری ، قادینلرک ده ارککلری تداویسی جائز اوله جفته استدلال
ضمتده « باب علی تداوی الرجل المرأة والمرأة الرجل » دیور .

بووادیده ده برچوق احادیث شریفه موجوددر . ایسته بوتون بونلراوائل
اسلامده قادینلرک ایجابنه کوره طب و تداوی ایله اشتغال ایتدکارینی و شرع شریفک
بوخصوصده کی نقطه نظری نه دن عبارت اولدیغنی بلیغ بر صورتده ارا نه ایدرلر .

اسلام علملرینک یاسایی

یمنک مختصراً احوال جغرافی و طبیعیسی

یمن وسکانی حقنده بر فکر ایدینه بیلمک ایچون احوال جغرافی و طبیعیسنک
مختصراً اولسون بیلمسی لازمدر . آنکچون یمن قطعه سنک مختصراً احوال
جغرافی و طبیعیسندن بحث ایتک ایسته یورم .

[۱] صحیح بخاری جز ۳ ص ۲۲۲

[۲] صحیح بخاری جز ۷ ص ۱۲

آسیا قطعاً سندھ کی ملک کمزک منہای جنوب غربی سنی تشکیل ایدن یمن :
 شرقاً بصرہ و بغداد منہی چول ؛ غرباً بحر احمر ؛ جنوباً عدن کورفزیلہ
 قسماً عمان دگری ؛ شمالاً عسیر مستقل سنجائیہ محدود و کاملاً وولقاتیک
 براراضیدر .

یمنک بحر احمر ساحلندن اعتباراً شرق طوغری شمدی بہ قدر اعظمی
 اولہرق درنیوز کیلومترک برقمی آکلاشلش وکورولش ایسده دہا شرقی
 هنوز تمامیہ کزیلوب تدقیق ایدیہ مامشدر .

قوش باقیشیہ یمنک ہیئت عمومیہ سی : شرق و غربی منبسط و وسطی بحر
 احمر محاذی اولہرق طائفندن عدنہ قدر اوزانان وجوبہ طوغری یاقلشدقہ
 دہا عارضہ لی و دہا کنیش و اطرافہ صالیویردیکی قولر دہا جوق اولق اوزرہ
 مہم برقبارتی عرض ایدر . دوزلکلر شرقی و غربی زراہ - چول - ؛ و قبارتی
 سلسلہ سیدر . سلسلہ نک عرض و ارتفاعی عسیر طرفلرندہ آرز و جنوبہ
 دہا کنیش و دہا یوکسکدر .

یک دزین وادیلری ، مدہش اوچوروملری ، بردنبرہ عظیم برارتفاع فرقہ
 آجالوب یوکسکک کی تحولات ، یمنہ ممالک عثمانیہ نک ہیچ بریرینہ قیاس
 ایدیہ میہ جک درجہ دہ بر استنائیت بخش ایدر . داغلرک ارتفاعلری اعظمی
 (۳۲۰۰) اصغری (۱۰۰۰) مترہ در . ظہرندہ یک جوق صولی و کنیش وادیلر ،
 منبت و واسع یا بلالر واردر .

علی العموم یمنہ ایرماق ، نہر کی ذکرہ دہ کر بیوک صولر یوقدر . انجق
 شالندن اعتباراً صرہ ایلہ موز ، سہم ، رباط ، زبید ، نخل ، میدان وادیلری یک
 آرز و عادتاً صیرتی قیلندن اولہرق دکرہ واصل اولہ بیلورلر . بوندن بشقہ
 اوفق تفک قابناقلرک برلشمہ سیلہ جای حالتدہ اوتدہ بریدہ ماہ جاریلر کوریلہ
 بیلدیکی کی یا غمور زمانندہ موقتاً جریان ایدن سیلر دہ واردر . بونلر تہامہ
 قسنہ کیرر کیرمز یومشاق و قومسال اولمسندن طولانی درحال غائب اولہرق
 تحت الارض بریکنتیلر حاصل ایدرلر و قوتلندکجہ یمنہ تحت الارض دکرہ منصب
 اولورلر . اشته بوسیلہ درکہ تہامہ نک نرمی قازیلسہ مطلق صو بولہ بیلدیکی

کې درینلکری ده ساحلین جبل ایتکته قدر (۱ : ۳۰) متره ارسنده متیدلر .

تهامه : عرضی دکزدن اعتباراً سرا ایتکرینه قدر ۲۵ : ۱۲۰ کیلومتره اولق اوزره جده نك جنوبیدن باب المنده قدر امتداد ایدر . اوچده بری آجیق و سراپا قوملق ایسه ده متبایسی قرصی دنیلان دیکلی صیق آغاچلرله مستور اولوب یمن تهامه سی، عسیر تهامه سی و حجاز تهامه سی کبی مربوط اولدقلری قطعه و محالره کوزه اسم آلیرلر .

سرا داغلری : عدندن طائفه قدر اوزانان بوسلسله هریرده قیله ویا مشهور برآدمک اسمنه نسبتله مختلف ناملر آلور . اکثری قیالق و جیلاق ایسه ده نمر و رواع طرفلرنده کی داغلرک بعضیلری اورمانلقدردر . سرانک شرق و غرب مائهلری یتیش درجه یه قریب دیک میللر ایله تهامه یه ایندیکی کبی مختلف قوتلر فورلر ارسنده تشکیل ایدن وادیلر ، بوغازلر، عقبه لرده پک صارب و قورقونجدر .

یمک جبال قسمی هر دم بهاردر . درجه حرارت ۱۲ : ۲۸ ارسنده متحولدر . کانون نانیده نهایت اون کون قدر درجه حرارت صفره یا قلاشیر . بعض سنلر برایکی کیجه صفره اینه رک صباخلری اوفقی قابلرده کی صولری انجماد ایتدیرر . یاپراق دو کومیله تکرار فلزلنه ارسنده کی فرق برآیی بولماز . هوا غایت یابس و رقیقدردر . بو قطعه یه یکی کلنلر ابتدا براز تنفسده کوچلک حس ایدرلر و بالا آخره آلیشه بیلیرلر . قار یوق و فقط یا غمور چوقدردر . یمک یا غمورلری سنه نك معین آیلرنده عین ساعتده باشلار و مدت دواملری ثابت و مساوی اولور .

جبال قسمده جابجا آقار صولر اولدینی کبی بهرامه ، سماره و مخا طرفلرنده اون بش یکر می متره دن سقوط ایدن شلاله لرده تصادف اولتور . هله نعر سنجاغنک هر طرفی آنا طولینک اک کوزل یرینی آکدیره جق درجه ده منبت آغاچلق ، صولاق ، اورمانلقدردر . سنه ده دوت دفعه محصول آتیه بیلدیکی کبی اووه لری ، وادیلری دنیانک اک لطیف منظره لرینی خاطر اندیره جق قدر

کوزلدر . حیواناتک، سبز لڑک، میوہ لڑک ہر نوعی یتیشیر غنہ نامندہ کی میوہ سی دہ
 ینہ مخصوصدر؛ شفتالی بیوکلندہ کی بومیوہ نک غوقوسی ولذی ہیچ برمیوہ ایلہ
 قیاس ایلیہ من . موزک انواعی وارددر . خورمائی ری ساحلہ؛ قہوہ لری (۸۰۰:
 ۱۲۰۰) مترہ ارہستہ کی یاما جلردہ ووادیلردہ یتشور . معدن کموری، دیمیر،
 باقر، کموش معدنلری وارہدہ الیوم ہیچ بر صورتلہ استفادہ ایلمہ مکدہدر .
 ارسلان، قیلان، قیل کی حیوانات یوقدر . نادوآ چاقان، صیرتلان بولہ
 بیلیرسندہ مایمونلرہ سورولرلہ تصادف اولتور . حرکات وسکناتلرنده کی
 احتیاطکارلق وقورتازقلری انسانہ خیرت ویرر . حیوانات اہلیہ نک کافی
 بولتور . طیورک نوع وجنسی حددن افزوتدر .

تہامہ نک ہر طرف قدم بوغوجی برصیجاق وارددر . شالی وجنوبی اولق
 اوزرہ آلتیشیر آی متظماً دوام ایدن باشلیجہ ایکی روزکار وارددر . جنوبدن
 اسن و انیب تاملہ یاد اولتان روزکار پک رطوبتلی وتہلکہ لیدر . ہر زمان ہر
 موسعدہ تہامہ عادتاً اوستی آجیق بر حمامہ تشیہ اولنہ بیلور . آرہ صرہ جلی
 دنیلین وشرقدن کلن وبعضاً دکزدن اسن روزکارلر اولدجہ سرینک حاصل ایدر
 وانسانلردہ بر اثر حیات کورولکہ باشلار . بوقکہ برابر حیوانات وسبز لڑک
 ہر نوعی وهور کوجلی اوکوز، اینک، کچی، دوه، مرکب کی ہر جنس حیوانک
 الک اعلاسی بولتور . آثار صوبی یوقسہدہ آز طوزلی اولق اوزرہ ہریرندہ
 قویو بولنہ بیلور . تہامہ پاموق زراعتہ پک الویرشلیدر .

مصر دہ پاموق زراعت و تجارتیہ اشتغال ایدن بریونانی برابرندہ کتیردیکی
 تخمی حدیدہ جوارندہ تجربہ ایش و نتیجہدہ مصر دہ یتشان پاموقدن دہا
 کوزل وباشاقلرینک دہا بویوک اولدیغی کورمشدر . بریونانی ایلہ بالذات
 کوروشمشدم .

یمن ساحلی عمومیتلہ شایلقدر . بالکز مخا و دہا جنوبندہ کی ساحل نبتہ
 شایدن آزادہ در . مندرک یاپیلور . لیمانی تطہیر ایڈیلورسہ واپورلر ایچون الک مساعد
 اسکہ صرہ سیلہ : جبانہ، فازہ، مخا قویلریدر . شابلرک چوقلغی، مد وجذرک

هر کون وقوعه گئی واپورلرک ایکی اوچ میل آچقده دمیراهملرینه ؛ یولجی
واشیا آلوب ویرمکده خلی زحمت چکمه لرینه سبب اولیور .

یعنی ، ساحلندن طانیان ویا پک سطحی برنظرله کوروب دونن قصه
نظرلیرله ، دائما هرشیئ قاکورمک اعتیادنده بولنانلرک یمن حقده ویره جکری
معلومات وایضاحات شبهه سز ، که بی پایان قوملقدن ، جهنمی برحیاتدن عبارت
اوله جقدر . فقط یعنی آکلامق ایچون ایچری به کیرمه لی ، داغلرینه طیرمانمالی ده
صانع حقیقینک عظمتی ، قدرتی اوراده سیر ایتملیدر . وادیلرک لطافتی ،
چاغلایانلرک سقوطی ، زمردین یایلالرینی ، انسانی حیرتدن حیرته دوشورنه
شکل وارتقاعده کی داغلرینی کورملی ، باشند باشه دولاشمه لی ، تدقیق ایتملی در .
ایشته اولوقت ویریلن معلومات ، نقل ایذیلان حکایات یمته نفرت دکل محبت ،
کیتهمک دکل قوشوب کورمک هوسی اویاندیره جقدر ؛ بومحبت ، بوهوس
بزی یمته باغلایه جق ؛ عمران واسباب ترقیسی آراشدیریله جق وامیم ، که پک
قیمتلی اولان یمن قطعه سندن آرزمان ظرقده پک بیوک استفاده لر تأمین
ایدیه جکدر . الویرر ، که کورولسون و کورولدیکی کبی آکلاشیلین
وآکلاتیله بیلسون .

طیعه یمن ساحلی آفریقا ساحله نسبتله دها لطیف ، دهازیاذه شرائط
حیاتیه بی جامعدر . لکن انگلیز ، ایتالیان ، فرانسیزلرنده بولنان بوساحلک
بورت سورابه ، مصوع ، میپونی لیمانلرینه یومی اوغرایان واپورلرک عددینه ،
ریختملرینه ، خسته خانه لرینه ، لوقطه لرینه ، اوتلرینه ، صوبوز فابریقه لرینه ،
قشاه لرینه هرکون کره ارضک هر نقطه سنده کی حادثاته آگاه اوله بیلیمک ایچون
تأسیس ایذیلن تلسر تلغراف استاسیونلرینه ، انسانلرده کی فعالیت عبرت وحیرتله
باققدن صوکره طبیعه یشامغه دها مساعد اولان بزم ساحلمزده نه بارینه
بیله جک براوتل ، نه قارنکزی دیوره بیله جک برلوقطه ، نه حرارتکزی
تسکین ایده بیله جک یربوز پارچه سی بویه بیلیرسکز . اوت ؛ انگلیزلر ، ایتالیانلر ،
فرانسیزلر بوساحلی اله کچیریر کچیرمز درحال کنزیدیلر ، کوردیلر ، تدقیق
ایزدیلر . کوردکارینی اولدینی کبی یازدیلر ، آکلاتدیلر واسباب ترقی ورفاهک

نەلەردن عبارت اولەبیلە جکئی حقیقیە میدانە قوردیلەر. طوروب دیکلەنە دن چالشدیلەر،
برقاج سبە ایچندە مرادلرینە ایردیلەر، ایستدکلری عمران و مدینتی وجودە
کتیدیلەر. بوزمانە ~~قور~~ صرف ایستدکلری بارە و ایمکلرینک مکافاتی مع زیادە
کوردیلەر.

هردرلو مشکلات و موانعە رغماً بهمە حال قالقینە جغتە قطعاً ایمان ایستدیکم
عثمانی ملت معظمه اسلامیە سی ارتق کوز یوممە یەرق و طنک اک مهم پارچە سی
اولان یمک استقبال حیاتە متعلق الک مؤثر و قطعی چارەلر دوشونملی و جسورانه
تطیق ایدرک بوقطعەنک برکتلی اراضیستدن، هر نوع معادنندن، چالشقان
اهالیستدن، سیاسة حائر اولدینی وضعیستدن استفادە بی تأمین ایتمیدر.

فرکور آب

اسلام مجموعه سی

شمال مسلمانلرینک کنج فقط بوروک عمرلرندن فاتح امیرخان افندی قازان جریدەلرندن
برندە « مناسز تقلید » عنوانیە یازمش اولدینی برمتالە دە قازانک کنج مسلمانلری آراسندە
صرف روسلری، آوروپالیلری تقلید یوزندن جنازە، قبر اوزرینە چیچک، چەلەنک وضع
ایتمک عادتک انتشار ایدرک یواش یواش عادتلر صرەسنە کچمکدە اولدینی یازیور
تقید ایدیور و دیورکە:

ئولولری احترام ایتمک ایی برایشدر، بومعلوم؛ فقط بونکە برابر جنازەلر،
قبرلر اوزرینە چیچک، چەلەنک وضع ایتمک کی ملی حیاتمک یا بانجیسی اولان
بدعتی قبول ایتمەنک مناسنی آکلایمە یورم. ملتیزک حیاتیە قابل توفیق اولیان
خلقەزک ئولوم، ئولولکلر خصوصندە کی اعتقادلرینە توافق ایتمەن بوکی بدعتلری
بن پک لزومسز کوریورم. آوروپالیلردن، بالخاصە روسلردن بزم برچوق
عرف و عادتلر سرایت ایدیور. بز بونلردن بعضارینی ایستە یەرک، بعضیلرینی دە
ایستە یەرک آلیورز. ایستە یەرک آلدیغمز بدعتلرک بزم ایچون فائدملی، یاخود
ضررلی اولدینی حقتە سوز سویلەمەنک مناسی یوق ایسە دە، باری ایستە یەرک